



Broj: 01-50-1-15-18/15  
Sarajevo, 7.10.2015.



PRIMLJENO: 22. 10. 2015.			
Organizaciona jedinica	Klasifikaciona oznaka	Redni broj	Broj priloga

**ZAPISNIK**  
**18. sjednice Predstavničkog doma**  
**Parlamentarne skupštine Bosne i Hercegovine,**  
**održane 7.10.2015.**

Sjednica je počela u 10, 55 sati. Prisustvovalo je 39 poslanika.

Odsustvo su opravdali poslanici: Šemsudin Mehmedović, Nermina Kapetanović i Mensura Beganović.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a i EUSR-a, predstavnici britanske ambasade, a iz nevladinih organizacija prisustvovali su predstavnici CCI-ja i CPI-ja. Sjednici je prisustvovala i direktorica Agencije za ravnopravnost spolova BiH.

Predsjedavajuća Doma Borjana Krišto rekla je da će poslanicima, u skladu s članom 171. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 172. Poslovnika, najave za postavljanje poslaničkih pitanja, u usmenoj formi dostavili su sljedeći poslanici:

- **Mirsad Mešić** – ministrici odbrane BiH (na prošloj sjednici nije dat odgovor zbog odsustva ministrice, te je konstatirano da će to biti učinjeno na ovoj sjednici);
- **Jasmin Emrić** – ministru vanjske trgovine i ekonomskih odnosa BiH;
- **Šefik Džaferović** – predsjedavajućem Vijeća ministara BiH;
- **Šemsudin Mehmedović** – ministru komunikacija i prometa BiH (predsjedavajuća je konstatirala da, s obzirom na to da je poslanik Mehmedović opravdao odsustvo sa sjednice, njegovo pitanje bit će postavljeno na prvoj narednoj sjednici predviđenoj za postavljanje pitanja u usmenoj formi);
- **Salko Sokolović** – predsjedavajućem Vijeća ministara BiH;
- **Damir Bećirović** - ministru vanjskih poslova BiH;
- **Dušanka Majkić** - predsjedavajućem Vijeća ministara BiH;
- **Amir Fazlić** – ministru vanjskih poslova BiH;
- **Saša Magazinović** – ministru pravde BiH;
- **Staša Košarac** – ministru sigurnosti BiH i
- **Hazim Rančić** – ministru sigurnosti BiH.

Ove najave su, u skladu s članom 172. Poslovnika, dostavljene predsjedavajućem Vijeća ministara BiH i onom članu Vijeća ministara BiH na koga se pitanje odnosi. Predsjedavajuća je podsjetila da je osiguran direktan TV prijenos ovog dijela sjednice, u skladu s članom 171. stav (1) Poslovnika.

<sup>v</sup> Nakon ovih napomena, pristupilo se usmenom postavljanju poslaničkih pitanja i davanju odgovora redosljedom dostavljanja najava.

#### **Mirsad Mešić**

Pitanje upućeno ministrici odbrane BiH: „Dakle, ja sam postavio pitanje ministrici odbrane koje ste imali priliku da pročitate. Ono se odnosi na Vaš moralni odnos prema pravosudnom problemu koji imate, a koji ima veze s pokretanjem postupka protiv Vas pred Sudom BiH. Dakle, riječ je o ozbiljnim optužbama, o Vašem nesavjesnom radu, što ćete Vi, naravno, u narednom periodu morati i dokazati ili osporiti. Ja ću motiv postavljanja pitanja obrazložiti kada Vi odgovorite.“<sup>1</sup>

**- Odgovor na pitanje dala je ministrica odbrane BiH Marina Pendeš. Poslanik Mirsad Mešić komentirao je dobiveni odgovor.**

#### **Jasmin Emrić**

Pitanje upućeno ministru vanjske trgovine i ekonomskih odnosa BiH: „Postavljam pitanje Ministarstvu vanjske trgovine i ekonomskih odnosa BiH, a koje je u vezi sa usvojenim Zaključkom broj 1. na 14. sjednici Predstavničkog doma, održanoj 30.6. tekuće godine, a pitanje glasi: U kojoj je fazi postupak ratifikacije Protokola o strateškoj procjeni uticaja na okoliš ili SEA protokola, te kada će on biti upućen u parlamentarnu proceduru?“<sup>2</sup>

**- Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanik Jasmin Emrić komentirao je dobiveni odgovor.**

#### **Šefik Džaferović**

Pitanje upućeno predsjedavajućem Vijeća ministara BiH: „Da li i koje aktivnosti preduzima Vijeće ministara BiH kako bi se između Bosne i Hercegovine i Kosova pojednostavio režim kretanja ljudi i prometa kapitala, robe i usluga, što je u interesu građana Bosne i Hercegovine?“

**- Odgovor na pitanje dao je predsjedavajući Vijeća ministara BiH Denis Zvizdić. Poslanik Šefik Džaferović komentirao je dobiveni odgovor.**

#### **Salko Sokolović**

Pitanje upućeno predsjedavajućem Vijeća ministara BiH: „Kada ćete inicirati izradu zakona o iseljeništvu i strategije saradnje BiH sa iseljeništvom (BiH je jedina zemlja u regiji koja nema ovakve dokumente o iseljeništvu), zakona o matici bh. iseljenika, te eventualno zakona o dopunskom obrazovanju na maternjem jeziku i njegovanju kulture i identiteta bh.

<sup>1</sup> Dio neautoriziranog transkripta 18. sjednice Predstavničkog doma.

<sup>2</sup> Dio neautoriziranog transkripta 18. sjednice Predstavničkog doma.

iseljenika, zatim uspostavljanje odgovarajuće parlamentarne komisije nadležne za bh. iseljništvo (Srbija i Hrvatska imaju takve parlamentarne komisije, a Parlament BiH nema ni jednu koja se bavi ovim pitanjem)?“

**- Odgovor na pitanje dao je predsjedavajući Vijeća ministara BiH Denis Zvizdić. Poslanik Salko Sokolović komentirao je dobiveni odgovor.**

**Damir Bećirović**

Pitanje upućeno ministru vanjskih poslova BiH: „Koliko osoba u Ambasadi Libije u Bosni i Hercegovini ima diplomatski status i koliko je njih zaista u našoj državi? Da li je šefu Komiteta za brigu o ranjenicima u BiH koji djeluje pri Ambasadi Libije Aliju Amishu odobren diplomatski status i po kojem osnovu, pogotovo ako su tačne informacije da spomenuta osoba ima i državljanstvo BiH?“

**- Poslanik Damir Bećirović zatražio je dostavljanje odgovora u pisanoj formi zbog odsustva ministra vanjskih poslova BiH Igora Crnatka sa sjednice.**

**Dušanka Majkić**

Pitanje upućeno predsjedavajućem Vijeća ministara BiH: „Moje pitanje upućeno je predsjedavajućem Vijeća ministara BiH, ne slučajno i ne zato što mi se dopada da baš on odgovara, jer ako budemo svi postavljali pitanja predsjedavajućem Vijeća ministara BiH, ostalim ministrima će biti dosadno, dakle nije slučajno postavljeno, a tiče se ispunjavanja preostalih obaveza Vijeća ministara BiH za nesmetan rad Ureda za razmatranje žalbi, kao drugostepenog organa za javne nabavke i to filijale Banja Luka i Mostar, u skladu sa Izmjenama Zakona o javnim nabavkama iz 2013. i novim Zakonom o javnim nabavkama iz 2014. Dakle, podsjećam vas da je prošlo više od godinu i po dana da nismo kompletirali Ured za razmatranje žalbi koja praktično više nema mogućnost da radi. Zakonom smo mu ukinuli određene poslove, a nismo uspostavili filijale u Mostaru i Banjoj Luci. U skladu s tim, moje pitanje predsjedavajućem – Zašto Pravilnik o unutrašnjoj organizaciji Ureda, koji je poslan na usvajanje negdje u novembru, nešto poslije izbora, bez čega je nemoguće uspostaviti rad ovih filijala, a danas biramo te ljude koji treba tamo da se zaposle, zašto on još nije usvojen? Ako je problematičan iz bilo kojeg razloga, zašto se ne vrati instituciji i kaže da nije uredu? Drugo pitanje – Zašto Vijeće ministara BiH nije našlo rješenje za smještaj ove institucije? Zar nam je nevažno da jedna ovako značajna institucija nema uslove za smještaj? I treće – Pored ovolike budžetske rezerve koja se daje na sve strane, zašto oni, kao nove filijale, nisu dobili iz budžetske rezerve sredstva da bi mogli raditi?“<sup>3</sup>

**- Odgovor na pitanje dao je predsjedavajući Vijeća ministara BiH Denis Zvizdić. Poslanica Dušanka Majkić komentirala je dobiveni odgovor.**

**Amir Fazlić**

Pitanje upućeno ministru vanjskih poslova BiH: „Zašto Ministarstvo vanjskih poslova BiH nije donijelo Zakon o vanjskim poslovima, te Pravilnik o unutrašnjoj organizaciji?“

**- Predsjedavajuća je, zbog odsustva ministra vanjskih poslova BiH Igora Crnatka i u skladu sa zahtjevom poslanika Amira Fazlića, konstatirala da će odgovor na navedeno**

<sup>3</sup> Dio neautoriziranog transkripta 18. sjednice Predstavničkog doma.

pitanje biti dat na narednoj sjednici Doma predviđenoj za postavljanje poslaničkih pitanja u usmenoj formi.

**Saša Magazinović**

Pitanje upućeno ministru pravde BiH: „Da li je poznat problem i da li se u Ministarstvu bave problemom isplate plaća u Tužilaštvu BiH, odnosno da li im je poznat slučaj da pet tužilaca koji se bave najtežim krivičnim djelima od marta 2015. nisu dobili plaću? O čemu je riječ i šta je Ministarstvo preduzelo na tom slučaju?“<sup>4</sup>

**- Odgovor na pitanje dao je zamjenik ministra pravde BiH Nezir Pivić. Poslanik Saša Magazinović komentirao je dobiveni odgovor.**

**Staša Košarac**

Pitanje upućeno ministru sigurnosti BiH: „Da li se uopće vodi i u kojoj fazi je istraga Tužilaštva BiH o nalogodavcima i izvršiocima organiziranog napada na predsjednika Vlade Srbije Aleksandra Vučića koji je izvršen 11. jula ove godine u Memorijalnom centru Potočari? Ako se takva istraga vodi, kada se može očekivati podizanje optužnica, hapšenja onih koji su osmislili i izvršili ovo krivično djelo?“

**- Odgovor na pitanje dao je zamjenik ministra sigurnosti BiH Mijo Krešić. Poslanik Staša Košarac komentirao je dobiveni odgovor i rekao da će koristiti poslovničke odredbe i da na narednoj sjednici očekuje odgovor ministra sigurnosti BiH Dragana Mektića.**

**Hazim Rančić**

Pitanje upućeno ministru sigurnosti BiH: „Kada će biti pripremljen i dostavljen Parlamentarnoj skupštini BiH Prijedlog zakona o policijskim službenicima?“

**- Odgovor na pitanje dao je zamjenik ministra sigurnosti BiH Mijo Krešić. Poslanik Hazim Rančić komentirao je dobiveni odgovor.**

\*\*\*\*\*

U vezi sa izmjenama i dopunama dnevnog reda sjednice, predsjedavajuća je napomenula sljedeće:

Na dnevni red dodate su:

- **Tačka 16.** - Imenovanje dva člana Ureda za razmatranje žalbi i članova filijala u Banjoj Luci i Mostaru, materijal Privremene zajedničke komisije oba doma Parlamentarne skupštine BiH za provođenje procedure imenovanja dva člana Ureda za razmatranje žalbi i članova filijala u Banjoj Luci i Mostaru, broj: 01,02-50-14-470,8/15, od 29.9.2015., i

<sup>4</sup> Dio neautoriziranog transkripta 18. sjednice Predstavničkog doma.



- **Tačka 25.** - Davanje saglasnosti za ratifikaciju bilateralnog ugovora između Bosne i Hercegovine i Republike Italije uz Evropsku konvenciju o ekstradiciji od 13.12.1957., s ciljem proširenja i olakšanja njene primjene, broj: 01,02-05-2-1234/15, od 28.9.2015.

S ranijeg dnevnog reda skinuta je:

- **Tačka 13.** - Razmatranje poslaničke inicijative Senada Šepića, podnesene na 16. sjednici Predstavničkog doma, održanoj 27.8.2015., koja glasi: „Predstavnički dom Parlamentarne skupštine BiH obavezuje Kolegij Doma da u pripremi i utvrđivanju dnevnog reda, a najduže u roku svakih 60 dana, utvrdi obavezu tačku dnevnog reda pod nazivom: Izvještaj o realizaciji obaveza Bosne i Hercegovine na evropskom putu i stepen ispunjavanja obaveza BiH iz Akcionog plana za realizaciju Reformske agende za BiH za period od 2015. do 2018. godine. Predlažem da Kolegij Predstavničkog doma uvrsti ovu inicijativu kao tačku dnevnog reda sljedeće sjednice Predstavničkog doma PSBiH“, broj: 01-50-1-1136/15, od 27.8.2015. - na zahtjev nadležne Zajedničke komisije za evropske integracije, jer sjednici Komisije nije prisustvovao predlagatelj inicijative.

Naziv materijala iz **tačke 17.** izmijenjen je u skladu s obavještenjem Predsjedništva BiH od 23.9.2015., te glasi: Davanje saglasnosti za ratifikaciju Konvencije između Bosne i Hercegovine i Republike Poljske za izbjegavanje dvostrukog oporezivanja i sprečavanje utaje poreza na dohodak i kapital, broj: 01,02-05-2-1169/15, od 8.9.2015. i 23.9.2015.

- **Tačka 8.** - Prijedlog izmjena Poslovnika Predstavničkog doma Parlamentarne skupštine BiH, predlagatelj: poslanik Damir Arnaut, akt broj: 01-02-4-1143/15, od 31.8.2015. - dopunjena je Mišljenjem Ustavnopravne komisije, jer nisu podržani principi Prijedloga izmjena Poslovnika.

Nakon ovih napomena predsjedavajuća je otvorila raspravu o dnevnom redu sjednice.

Saša Magazinović postavio je pitanje zašto na dnevnom redu nema tačke: Prijedlog zakona o vjerskim praznicima u BiH, odnosno da li je taj prijedlog zakona dostavljen u parlamentarnu proceduru.

Denis Bećirović postavio je pitanje zašto u dnevni red nije uvrštena njegova ostavka na mjesto člana u Zajedničkoj komisiji za ljudska prava.

Damir Arnaut ukazao je na grešku u materijalu za tačku 14. dnevnog reda - Prijedlog zaključka o imenovanju predstavnika Parlamentarne skupštine BiH u Radnu grupu za praćenje stanja i aktivnosti u vezi s mogućom izgradnjom odlagališta nuklearnog otpada na lokaciji Trgovska gora, općina Dvor, predlagatelj: Zajednički kolegij oba doma Parlamentarne skupštine BiH. Greška se sastoji u tome što je u tekstu materijala na dva mjesta umjesto općine Dvor navedena općina Drvar.

Zaim Backović postavio je pitanje zašto poslanicima nije podijeljen materijal koji je on dostavio na prošloj sjednici Doma.

Maja Gasal-Vražalica predložila je dopunu dnevnog reda zaključkom kojim će se Sektor za međunarodne odnose i protokol Sekretarijata Parlamentarne skupštine BiH zadužiti za dostavljanje informacija za saziv 2014.-2018. za period ovih nepunih godinu dana, ko je od

poslanika dobio odobrenje od Zajedničkog kolegija oba doma da otputuje i bude negdje u delegaciji Bosne i Hercegovine, u čijoj pratnji, te da li je u pratnji bio i prevodilac.

Predsjedavajuća je, povodom postavljenih pitanja i prijedloga, odgovorila sljedeće:

- U vezi s pitanjem poslanika Saše Magazinovića, predsjedavajuća je rekla da će Prijedlog zakona o vjerskim praznicima u BiH biti uvršten u dnevni red sjednice Doma u skladu s poslovničkim odredbama, nakon što bude dostavljen u proceduru.
- U vezi s pitanjem poslanika Denisa Bećirovića, predsjedavajuća je rekla da je ostavka lični čin svakog poslanika i da će u dnevni red, u skladu s članom 30. Poslovnika, nakon što Klub poslanika SDP-a BiH dostavi novi prijedlog za člana Zajedničke komisije za ljudska prava, biti uvrštena Odluka o izmjeni Odluke o izboru članova zajedničkih komisija oba doma Parlamentarne skupštine BiH.
- U vezi s pitanjem poslanika Zaima Backovića, predsjedavajuća je rekla da se na svakom materijalu mora naznačiti na koju tačku dnevnog reda se odnosi, što nije bio slučaj s materijalom koji pominje poslanik Backović.
- U vezi s pitanjem poslanice Maje Gasal-Vražalice, predsjedavajuća je rekla da, umjesto zaključka, treba uputiti poslaničko pitanje Kolegiju Doma ili komisijama, te da će na taj način dobiti traženu informaciju.

Nakon ovih pojašnjenja, predsjedavajuća je konstatirala da 18. sjednica Predstavničkog doma ima sljedeći

## DNEVNI RED

1. Usvajanje Zapisnika 17. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o azilu, predlaže: Vijeće ministara BiH, zakon broj: 01,02-02-1-12/15, od 6. 8. 2015. (prvo čitanje);
4. Prijedlog zakona o dopunama Zakona o zaštiti potrošača u BiH, predlaže: Vijeće ministara BiH, zakon broj: 01,02-02-1-16/15, od 7.9.2015. (prvo čitanje);
5. Prijedlog zakona o strancima, predlaže: Vijeće ministara BiH, zakon broj: 01,02-02-1-17/15, od 11.9.2015. (prvo čitanje);
6. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjenama i dopunama Zakona o sportu u BiH, predlaže: poslanica Maja Gasal-Vražalica, zakon broj: 01-02-1-11/15, od 30. 7. 2015. (zakon u prvom čitanju);
7. Zahtjev Ustavnopravne komisije za razmatranje Prijedloga izmjena Poslovnika Predstavničkog doma Parlamentarne skupštine BiH po hitnom postupku, u skladu s članom 133. Poslovnika, akt broj: 01-02-4-1197/15, od 15.9.2015.;
8. Prijedlog izmjena Poslovnika Predstavničkog doma Parlamentarne skupštine BiH, predlaže: poslanik Damir Arnaut, akt broj: 01-02-4-1143/15, od 31.8.2015., s Mišljenjem Ustavnopravne komisije;
9. Prijedlog kodeksa ponašanja poslanika i delegata u Parlamentarnoj skupštini Bosne i Hercegovine, predlaže: Zajednička komisija za ljudska prava, akt broj: 01,02-02-4-1086/15, od 31. 7. 2015.;
10. Izvještaj komisije Kolegija Predstavničkog doma o nastojanju za postizanje saglasnosti o poslaničkoj inicijativi Denisa Bećirovića, podnesene na 15. sjednici

- Predstavničkog doma, održanoj 22. 7. 2015., koja glasi: „Na osnovu člana 8. Poslovnika Predstavničkog doma Parlamentarne skupštine BiH, podnosim poslaničku inicijativu kojom se zadužuje Vijeće ministara BiH da najkasnije u roku od šest mjeseci od dana usvajanja ove inicijative izradi i u parlamentarnu proceduru dostavi Prijedlog zakona o Vrhovnom sudu Bosne i Hercegovine“, broj: 01-50-1-1036/15, od 22. 7. 2015.;
11. Izvještaj komisije Kolegija Predstavničkog doma o nastojanju za postizanje saglasnosti o prijedlogu zaključka poslanika Sadika Ahmetovića koji glasi: „Zadužuje se Vijeće ministara BiH da dostavi informaciju o primjeni Okvirnog zakona o osnovnom i srednjem obrazovanju u BiH, s naglaskom na izučavanje nacionalne grupe predmeta i izučavanje maternjeg jezika na cijeloj teritoriji BiH“, broj: 01-50-1-1191/15, od 15. 9. 2015.;
  12. Informacija Bosne i Hercegovine za UN-ov Odbor za otklanjanje diskriminacije žena (UN CEDAW), materijal Agencije za ostvarivanje ravnopravnosti spolova, akt broj: 01/6-50-1-1111/15, od 9.9.2015.;
  13. Prijedlog zaključka kojim se obavezuje Interresoma radna grupa za izmjenu izbornog zakonodavstva BiH da izradi Prijedlog zakona o izmjenama i dopunama Zakona o finansiranju političkih stranaka s ciljem realiziranja preporuka GRECO-a, predlagач: Zajednički kolegij oba doma Parlamentarne skupštine BiH;
  14. Prijedlog zaključka o imenovanju predstavnika Parlamentarne skupštine BiH u Radnu grupu za praćenje stanja i aktivnosti u vezi s mogućom izgradnjom odlagališta nuklearnog otpada na lokaciji Trgovska gora, općina Dvor, predlagач: Zajednički kolegij oba doma Parlamentarne skupštine BiH, broj: 01,02-34-1-1105/15, od 22.9.2015.;
  15. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru, predlagач: Zajednički kolegij oba doma Parlamentarne skupštine BiH, broj: 01.02-34-1-1229/15, od 22.9.2015.;
  16. Imenovanje dva člana Ureda za razmatranje žalbi i članova filijala u Banjoj Luci i Mostaru, materijal Privremene zajedničke komisije oba doma Parlamentarne skupštine BiH za provođenje procedure za imenovanje dva člana Ureda za razmatranje žalbi i članova filijala u Banjoj Luci i Mostaru, broj: 01,02-50-14-470,8/15, od 29.9.2015.;
  17. Davanje saglasnosti za ratificiranje Konvencije između Bosne i Hercegovine i Republike Poljske za izbjegavanje dvostrukog oporezivanja i sprečavanje utaje poreza na dohodak i kapital, broj: 01,02-05-2-1169/15, od 8.9.2015. i 23.9.2015.;
  18. Davanje saglasnosti za ratificiranje Protokola o upravljanju nanosom uz Okvirni sporazum o slivu rijeke Save, broj: 01,02-05-2-1170/15, od 8.9.2015.;
  19. Davanje saglasnosti za ratificiranje Sporazuma između Vijeća ministara Bosne i Hercegovine i Vlade Republike Moldavije o putovanju državljana bez viza, broj: 01,02-05-2-1171/15, od 8.9.2015.;
  20. Davanje saglasnosti za ratificiranje Ugovora između Vijeća ministara Bosne i Hercegovine i Vlade Republike Hrvatske o pravima i obavezama korištenja voda iz javnih sistema za vodosnabdijevanje presječenih državnom granicom, broj: 01,02-05-2-1172/15, od 8.9.2015.;
  21. Davanje saglasnosti za ratificiranje Sporazuma o grantu Globalnog fonda za okoliš (GEF) za pripremu regionalnog projekta upravljanja slivom rijeke Drine između Bosne i Hercegovine i Međunarodne banke za obnovu i razvoj u funkciji agencije za implementaciju Globalnog fonda za okoliš, broj: 01,02-05-2-1173/15, od 8.9.2015.;
  22. Davanje saglasnosti za ratificiranje Sporazuma o grantu Specijalnog fonda za klimatske promjene (SCCF) za pripremu regionalnog projekta upravljanja slivom rijeke Drine između Bosne i Hercegovine i Međunarodne banke za obnovu i razvoj u



- funkciji agencije za implementaciju Specijalnog fonda za klimatske promjene, broj: 01,02-05-2-1174/15, od 8.9.2015.;
23. Davanje saglasnosti za ratificiranje Sporazuma između Vijeća ministara Bosne i Hercegovine i Vlade Ruske Federacije o readmisiji i Provedbeni protokol o procedurama provođenja Sporazuma između Vijeća ministara Bosne i Hercegovine i Vlade Ruske Federacije o readmisiji, broj: 01,02-05-2-1195/15, od 15.9.2015.;
24. Davanje saglasnosti za ratificiranje Sporazuma između Evropske unije i Bosne i Hercegovine o učešću Bosne i Hercegovine u Programu Unije *Carina 2020*, broj: 01,02-05-2-1196/15, od 15.9.2015.;
25. Davanje saglasnosti za ratificiranje Bilateralnog ugovora između Bosne i Hercegovine i Republike Italije uz Evropsku konvenciju o izručenju od 13.12.1957., s ciljem proširenja i olakšanja njene primjene, broj: 01,02-05-2-1234/15, od 28.9.2015.

\*\*\*\*\*

#### **Ad.1. Usvajanje Zapisnika 16. sjednice Predstavničkog doma Parlamentarne skupštine BiH**

Predsjedavajuća je rekla da je poslanicima dostavljen Zapisnik.

- \* Nije bilo primjedbi na Zapisnik.

Zapisnik 17. sjednice usvojen je s 29 glasova "za" (iz Federacije BiH 16, iz Republike Srpske 13), bez glasova „protiv“ i jednim „suzdržanim“ glasom.

#### **Ad.2. Komentari na dobivene odgovore na poslanička pitanja**

Predsjedavajuća je podsjetila da su, u skladu s članom 174. Poslovnika, do ove sjednice Doma inicijativu i pitanja u pisanoj formi postavili poslanici:

- **Senad Šepić** – uputio inicijativu Ministarstvu komunikacija i prometa BiH;
- **Monika Tomić** – postavila pitanje Federalnom ministarstvu poljoprivrede, vodoprivrede i šumarstva i
- **Aleksandra Pandurević** – dva pitanja postavila Vijeću ministara BiH.

Sadržaj postavljene inicijative i pitanja je sljedeći:

##### **Senad Šepić**

Inicijativa upućena Ministarstvu komunikacija i prometa BiH: „Predlažem da Ministarstvo prometa i komunikacija BiH, u saradnji s kompanijama i institucijama koje su kandidirale regionalni projekat – Interkonektivni gasovod BiH – RH (Lička Jasenica – Tržac – Bosanska Krupa) pripremi cjelokupnu dokumentaciju, studiju izvodljivosti koja će potvrditi opravdanost izgradnje kako bi taj projekat mogao biti uvršten na listu prioriternih projekata s koje će biti predloženi novi projekti za finansiranje. Molim da dokumentaciju pripremite i



dostavite najkasnije u roku od 60 dana, kako bi projekat mogao razmatrati Sekretarijat Energetske zajednice u 2016. godini.“

### **Monika Tomić**

Pitanje postavljeno Federalnom ministarstvu poljoprivrede, vodoprivrede i šumarstva: „U "Službenim novinama Federacije BiH", broj 54, od 15.7.2015., objavljen je program novčanih podrški u poljoprivredi u ruralnom razvoju za 2015. godinu. Pitanje je kako je zamišljen model podrške proizvodnji duhana, jer znamo da do sada takav model nije primjenjivan?“

### **Aleksandra Pandurević**

Pitanja postavljena Vijeću ministara BiH:

1. „Molim vas da mi dostavite tabelarne podatke za sve budžetke korisnike koji se finansiraju iz budžeta institucija BiH (ministarstva, agencije, nezavisne institucije itd.) a koje plaćaju zakup za poslovni prostor koji će sadržavati sljedeće informacije:
  - s kojim pravnim/fizičkim licem je sklopljen ugovor o kiriji i na koji vremenski period;
  - kolika je površina zakupljenog prostora;
  - koliko iznosi kirija na godišnjem nivou, odnosno kolika je mjesečna kirija po kvadratnom metru?“
2. „Molim vas da mi dostavite podatak za svaku od godina od 2010. do 2014., ko su bili članovi Upravnog odbora Agencije za osiguranje depozita BiH? Da li su oni bili plaćeni i ako jesu – koliko je iznosila godišnja naknada za svakog od članova?“

Predsjedavajuća je rekla da su do današnje sjednice dostavljeni sljedeći odgovori na poslanička pitanja:

- na pitanje **Mirsada Donlagića**, postavljeno u usmenoj formi na 13. sjednici, dopunu odgovora dostavilo je Vijeće ministara BiH (proslijeđen odgovor Ministarstva vanjskih poslova BiH), a na inicijativu postavljenu u pisanoj formi odgovor je dostavilo Vijeće ministara BiH;
- na pitanje **Hazima Rančića**, postavljeno u usmenoj formi na 16. sjednici, odgovore je dostavilo Vijeće ministara BiH (proslijeđeni odgovori Službe za poslove sa strancima i Ministarstva sigurnosti BiH), a na pitanje postavljeno u usmenoj formi na 17. sjednici, odgovor je dostavilo također Vijeće ministara BiH (proslijeđen odgovor Agencije za prevenciju korupcije i koordinaciju borbe protiv korupcije);
- na tri inicijative **Senada Šepića**, podnesene u pisanoj formi, odgovore je dostavilo Vijeće ministara BiH, a na četvrtu inicijativu, podnesenu u pisanoj formi, odgovor je dostavila Granična policija BiH;
- na pitanje **Damira Arnauta**, postavljeno u pisanoj formi, dopunu informacije dostavila je sekretarka Zajedničke službe Parlamentarne skupštine BiH, na dopunsko pitanje odgovor – obavještenje dostavilo je Ministarstvo vanjskih poslova BiH, a na pitanje postavljeno u usmenoj formi na 17. sjednici odgovor je dostavio predsjedavajući Vijeća ministara BiH;
- na pitanje **Denisa Bećirovića**, postavljeno u pisanoj formi, odgovor je dostavilo Vijeće ministara BiH;
- na pitanje **Mladena Bosića**, postavljeno u pisanoj formi, odgovor je dostavilo Vijeće ministara BiH;

- na pitanje poslanika **Salka Sokolovića**, postavljeno u usmenoj formi na 17. sjednici Doma, odgovor je dostavilo Vijeće ministara BiH (prosljeđen odgovor Ministarstva civilnih poslova BiH);
- na pitanje **Šemsudina Mehmedovića**, postavljeno u usmenoj formi na 14. sjednici Doma, odgovor je dostavio Kolegij Sekretarijata Parlamentarne skupštine BiH.

5

Dostavljene odgovore komentirali su poslanici: Saša Magazinović, Damir Arnaut, Hazim Rančić i Mirsad Donlagić.

**Saša Magazinović** je od Kolegija Doma zatražio da Vijeće ministara BiH još jednom upozori na obavezu poštovanja poslovnčkih rokova u pogledu dostavljanja odgovora na poslanička pitanja.

**Damir Arnaut** je, pored ostalog, izrazio nezadovoljstvo zbog toga što još uvijek nije dobio odgovor na pitanje upućeno Uredu visokog predstavnika u BiH, kao ni odgovor na dopunsko pitanje upućeno Ministarstvu pravde BiH.

**Hazim Rančić** zatražio je dopunu odgovora od Agencije za prevenciju korupcije i koordinaciju borbe protiv korupcije na pitanje postavljeno u usmenoj formi na 17. sjednici Doma, na način da se navede spisak institucija BiH koje nemaju svoje planove borbe protiv korupcije i planove integriteta. Ranije pitanje upućeno ministru sigurnosti BiH glasilo je: „Koje institucije na nivou Bosne i Hercegovine nemaju usvojene planove integriteta, a što su bile dužne u skladu s članom 24. Zakona o Agenciji za prevenciju korupcije i koordinaciju borbe protiv korupcije? Naime, sve institucije su, prema navedenom zakonu, bile dužne dostaviti Agenciji za prevenciju korupcije i koordinaciju borbe protiv korupcije planove integriteta. Zakon je usvojen 2009. godine i objavljen, naravno. Sad je 2015. godina, a na prošloj sjednici Predstavničkog doma razmatrali smo Izvještaj o radu Agencije za prevenciju korupcije i koordinaciju borbe protiv korupcije za 2014. godinu. U tom spomenutom izvještaju vidi se da neke institucije na nivou Bosne i Hercegovine još uvijek nemaju svoje planove borbe protiv korupcije, a čiji sastavni dio su planovi integriteta tih institucija. Molim Vas da nabrojite institucije koje opstruiraju primjenu Zakona o Agenciji za prevenciju korupcije i koordinaciju borbe protiv korupcije.“<sup>5</sup>

**Mirsad Donlagić** izrazio je nezadovoljstvo zbog toga što je dobio nepotpun odgovor od Vijeća ministara BiH, odnosno što još uvijek nije dobio odgovor od Predsjedništva BiH, na pitanje u vezi s načinom korištenja službenih automobila u institucijama BiH.

### **Ad.3. Prijedlog zakona o azilu, predlažać: Vijeće ministara BiH, zakon broj: 01,02-02-1-12/15, od 6. 8. 2015. (prvo čitanje)**

Predsjedavajuća je dala uvodne napomene. U raspravi su učestvovali: Damir Arnaut, Aleksandra Pandurević, Borislav Bojić, Hazim Rančić, Lazar Prodanović, Predrag Kožul, Zaim Backović i Hanka Vajzović.

5

Prijedlog zakona o azilu usvojen je u prvom čitanju s 29 glasova „za“ (iz Federacije BiH 16, iz Republike Srpske 13), bez glasova „protiv“ i jednim „suzdržanim“ glasom.

<sup>5</sup> Vijeće ministara BiH je 8.10.2015. dostavilo dopunu odgovora na navedeno pitanje poslanika Hazima Rančića (prosljeđena dopuna odgovora Agencije za prevenciju korupcije i koordinaciju borbe protiv korupcije).

**Ad.4. Prijedlog zakona o dopunama Zakona o zaštiti potrošača u BiH, predlađač: Vijeće ministara BiH, zakon broj: 01,02-02-1-16/15, od 7.9.2015. (prvo čitanje)**

Nakon uvodnih napomena predsjedavajuće, u raspravi su učestvovali: Dušanka Majkić, Hazim Rančić, Momčilo Novaković, Aleksandra Pandurević, Šefik Džaferović, Mirsad Donlagić, Nikola Špirić, Lazar Prodanović, Damir Arnaut, Predrag Kožul i Zaim Backović.

Prijedlog zakona o dopunama Zakona o zaštiti potrošača u BiH usvojen je u prvom čitanju s 25 glasova „za“ (iz Federacije BiH 18, iz Republike Srpske sedam), šest „protiv“ i dva „suzdržana“ glasa.

**Ad.5. Prijedlog zakona o strancima, predlađač: Vijeće ministara BiH, zakon broj: 01,02-02-1-17/15, od 11.9.2015. (prvo čitanje)**

Predsjedavajuća je dala uvodne napomene. U raspravi su učestvovali Hanka Vajzović i Zaim Backović.

Prijedlog zakona o strancima usvojen je u prvom čitanju s 32 glasa „za“ (iz Federacije BiH 19, iz Republike Srpske 13), bez glasova „protiv“ i jednim „suzdržanim“ glasom.

**Ad.6. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjenama i dopunama Zakona o sportu u BiH, predlađač: poslanica Maja Gasal-Vražalica, zakon broj: 01-02-1-11/15, od 30. 7. 2015. (zakon u prvom čitanju)**

Nakon uvodnih napomena predsjedavajuće, nije bilo rasprave.

Prijedlog zakona o izmjenama i dopunama Zakona o sportu u BiH, predlađač: poslanica Maja Gasal-Vražalica, nije usvojen u drugom krugu glasanja - „za“ je glasalo 13 poslanika, „protiv“ 17 (iz Federacije BiH četiri, iz Republike Srpske 13), a tri poslanika bila su „suzdržana“.

**Ad.7. Zahtjev Ustavnopravne komisije za razmatranje Prijedloga izmjena Poslovnika Predstavničkog doma Parlamentarne skupštine BiH po hitnom postupku, u skladu s članom 133. Poslovnika, akt broj: 01-02-4-1197/15, od 15.9.2015.**

Predsjedavajuća je u uvodnim napomenama, pored ostalog, rekla da je poslanik Damir Arnaut, u skladu s članom 133. stav (3) Poslovnika, podnio amandman na Prijedlog izmjena Poslovnika, s obzirom na to da je riječ o ispravci očiglednih normativno-tehničkih grešaka u tekstu Prijedloga.

U okviru ove tačke diskutirao je Damir Arnaut.

Zahtjev za hitni postupak usvojen je s 25 glasova „za“ (iz Federacije BiH 12, iz Republike Srpske 13), četiri „protiv“ i četiri „suzdržana“ glasa.



Prijedlog amandmana Damira Arnauta glasi: „U Prijedlogu izmjena Poslovnika Predstavničkog doma Parlamentarne skupštine Bosne i Hercegovine, u članu 3. numerička oznaka „(1)“ u prvom stavu i kompletan stav (2) brišu se.“

„Za“ prijedlog amandmana Damira Arnauta glasalo je 16 poslanika (iz Federacije BiH 15, iz Republike Srpske jedan), „protiv“ devet, a „suzdržanih“ je bilo osam poslanika. Predsjedavajuća je konstatirala da nema potrebne entitetske većine. Kolegij kao komisija odmah je pristupio usaglašavanju. Saglasnost nije postignuta. U drugom krugu glasanja „za“ je bilo 20 poslanika, „protiv“ 13 (iz Republike Srpske), a „suzdržanih“ nije bilo. Predsjedavajuća je konstatirala da prijedlog amandmana Damira Arnauta nije usvojen.

Prijedlog izmjena Poslovnika Predstavničkog doma Parlamentarne skupštine BiH usvojen je s 21 glasom „za“ (iz Federacije BiH 12, iz Republike Srpske devet), jednim „protiv“ i 11 „suzdržanih“ glasova.

**Ad.8. Prijedlog izmjena Poslovnika Predstavničkog doma Parlamentarne skupštine BiH, predlažać: poslanik Damir Arnaut, akt broj: 01-02-4-1143/15, od 31.8.2015., s Mišljenjem Ustavnopravne komisije**

Nakon uvodnih napomena predsjedavajuće, diskutirao je Damir Arnaut.

„Za“ Mišljenje Ustavnopravne komisije glasalo je 16 poslanika (iz Federacije BiH četiri, iz Republike Srpske 12), „protiv“ 14, a „suzdržana“ su bila tri poslanika. Predsjedavajuća je konstatirala da nema potrebne entitetske većine. Kolegij kao komisija odmah je pristupio usaglašavanju. Saglasnost nije postignuta. U drugom krugu glasanja „za“ je bilo 17 poslanika, „protiv“ 15 (iz Federacije BiH 14, iz Republike Srpske jedan), a jedan poslanik bio je „suzdržan“. Predsjedavajuća je konstatirala da je Mišljenje Ustavnopravne komisije usvojeno, što znači da je Prijedlog izmjena Poslovnika Predstavničkog doma Parlamentarne skupštine BiH, u skladu s članom 113. stav (3) Poslovnika, odbijen.

**Ad.9. Prijedlog kodeksa ponašanja poslanika i delegata u Parlamentarnoj skupštini Bosne i Hercegovine, predlažać: Zajednička komisija za ljudska prava, akt broj: 01,02-02-4-1086/15, od 31.7.2015.**

Predsjedavajuća je u uvodnim napomenama podsjetila da je Dom na 17. sjednici, održanoj 16.9.2015., odlučio da sve amandmane koji su na sjednici Doma podneseni na Prijedlog kodeksa ponašanja poslanika i delegata u Parlamentarnoj skupštini Bosne i Hercegovine uputi na razmatranje Zajedničkoj komisiji za ljudska prava, koja se treba očitovati o njima u roku od 10 dana i Domu dostaviti mišljenje. Komisija je dostavila mišljenje u kojem je sadržano osam amandmana.

U raspravi su učestvovali: Borislav Bojić, Nikola Lovrinović, Damir Arnaut, Diana Zelenika i Maja Gasal-Vražalica.

U raspravi su, u skladu s članom 82. stav (4) Poslovnika, amandmane podnijeli poslanici: Nikola Lovrinović (tri amandmana), Borislav Bojić (dva amandmana) i poslanici iz Kluba SBB-a BiH (jedan amandman).

Amandmani poslanika Nikole Lovrinovića glase:



#### **Amandman I.**

Član 3. Prijedloga kodeksa ponašanja poslanika i delegata u Parlamentarnoj skupštini Bosne i Hercegovine mijenja se i glasi: „Poslanici i delegati pozvani su svoje dužnosti obavljati poštujući i štiteći ljudska prava i slobode.“

#### **Amandman II.**

U članu 7. u stavu (2) u zadnjem redu brišu se riječi „političkog“, „naroda, spola itd.“, a iza riječi: „u pogledu“ dodaju se riječi: „bilo kojeg“.

#### **Amandman III.**

U članu 23. stav (2) mijenja se i glasi: „Prijavu može podnijeti poslanik ili delegat ako nije u sastavu nijednog kluba, predsjedavajući klubova oba doma i kolegiji oba doma Parlamentarne skupštine Bosne i Hercegovine. Svaki poslanik ili delegat može pokrenuti inicijativu za podnošenje prijave kod navedenih parlamentarnih tijela.“

Navedeni prijedlozi amandmana poslanika Nikole Lovrinovića nisu usvojeni – „za“ je glasalo pet poslanika (iz Federacije BiH četiri, iz Republike Srpske jedan), „protiv“ 16, a „suzdržanih“ je bilo 12 poslanika.

Poslanik Borislav Bojić u toku rasprave odustao je od drugog predloženog amandmana. Prijedlog amandmana I. poslanika Borislava Bojića glasi: „U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 22. stav (2) iza tačke e) dodaje se nova tačka f) koja glasi: „f) postupanje koje je u suprotnosti s članom 17. Kodeksa;“.

Navedeni amandman usvojen je s 18 glasova „za“ (iz Federacije BiH 11, iz Republike Srpske sedam), pet glasova „protiv“ i 10 „suzdržanih“ glasova.

Prijedlog amandmana poslanika iz Kluba SBB-a BiH glasi: „U članu 22. stav (2) (Teže povrede Kodeksa) dosadašnja tačka t) koja je postala tačka v) briše se.“

Navedeni amandman usvojen je s 20 glasova „za“ (iz Federacije BiH 14, iz Republike Srpske šest), jednim glasom „protiv“ i 12 „suzdržanih“ glasova.

Prijedlog kodeksa ponašanja poslanika i delegata u Parlamentarnoj skupštini Bosne i Hercegovine usvojen je s 26 glasova „za“ (iz Federacije BiH 19, iz Republike Srpske sedam), bez glasova „protiv“ i sedam „suzdržanih“ glasova. Time su usvojeni amandmani sadržani u Mišljenju Zajedničke komisije za ljudska prava koji glase:

#### **Amandman I.**

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 6. u stavu (3) brišu se riječi: „uz otvorenost i spremnost da odgovaraju za svoje odluke, djelovanje i ponašanje.“

#### **Amandman II.**

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine član 8. briše se.

Dosadašnji čl. od 9. do 33. postaju čl. 8. do 33.

#### **Amandman III.**

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine iza člana 16. dodaje se novi član 17. koji glasi:

### „Član 17.

#### (Odnos prema imovini u vlasništvu Parlamentarne skupštine Bosne i Hercegovine)

Poslanici i delegati će se s dužnom pažnjom odnositi prema imovini u vlasništvu Parlamentarne skupštine Bosne i Hercegovine, odnosno preduzimati mjere s ciljem sprečavanja nestanka ili oštećenja, te po prestanku mandata zaduženu imovinu vratiti nadležnim službama Parlamentarne skupštine BiH.“

Dosadašnji čl. od 17. do 33. postaju čl. od 18. do 33.

#### Amandman IV.

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 19. u stavu (1) u zadnjem redu nakon riječi „život“ dodaju se riječi: „i drugih imenovanih i“.

U članu 19. stav (2) briše se, a postojeći stav (3) postaje stav (2).

#### Amandman V.

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 20. u stavu (1) nakon riječi „predrasuda“ umjesto tačke dodaje se zarez i tekst: „, uključujući na osnovu političke ideologije, rase, vjeroispovijesti, spola, ili bilo kojeg drugog statusa, u skladu s članom 5. ovog Kodeksa.“

#### Amandman VI.

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 22. u prvom stavu (*Lakše povrede Kodeksa*) u tački g) nakon riječi: „Bosne i Hercegovine“ stavlja se tačka, nakon koje se dodaje tekst koji glasi:  
„Neprikladnom odjećom smatra se naročito:

1. za muškarce: kratke pantalone ili druge pantalone čija je dužina u stojećem stavu iznad članaka, bluza/majica koja nema kragu i/ili rukave i/ili je neuobičajenih/živih boja, te obuća otvorenih prstiju;
2. za žene: previše otvoren vratni izrez bluze/majice i/ili bliza/majica bez leđa i bez rukava, suknja ili kratke pantalone čija je dužina u stojećem stavu iznad koljena više od pet centimetara, te neprimjerena obuća (papučice ili druga obuća otvorenih prstiju koja se sa zadnje strane ne pridržava uz nogu);
3. farmerke, sportska odjeća, veća oznaka ili natpis na odjeći, simbol koji može biti uvredljiv ili iritantan po bilo kojem osnovu, nepokriven torzo, te nošenje kape u službenim prostorijama.“

U drugom stavu (*Teže povrede Kodeksa*) tačka g) mijenja se i glasi:

„g) isticanje pristrasnosti prema rasi, vjeroispovijesti, naciji, spolu ili bilo kojem drugom statusu u bilo kojoj situaciji, kao i isticanje pristrasnosti prema političkoj ideologiji u odnosima sa osobljem Parlamentarne skupštine BiH“.

U drugom stavu (*Teže povrede Kodeksa*) tačke q do u) postaju tačke od r) do v).

#### Amandman VII.

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 23. u stav (2) nakon riječi: „Bosne i Hercegovine“ stavlja se tačka, a

riječi: „kolegiji oba doma Parlamentarne skupštine Bosne i Hercegovine i predsjedavajući klubova poslanika i delegata naroda“ brišu se.

Nakon stava (10) dodaje se novi stav (11) koji glasi:

„(11) Zajednička komisija će, u skladu sa svojim nadležnostima, za provođenje ovog kodeksa zaključkom urediti određeno pitanje koje nije nikako ili nije precizno regulirano ovim kodeksom.“

#### **Amandman VIII.**

U Prijedlogu kodeksa ponašanja poslanika i delegata u Parlamentarnoj skupštini Bosne i Hercegovine u članu 25. stav (4) briše se.

**Ad.10. Izvještaj komisije Kolegija Predstavničkog doma o nastojanju za postizanje saglasnosti o poslaničkoj inicijativi Denisa Bećirovića, podnesene na 15. sjednici Predstavničkog doma, održanoj 22. 7. 2015., koja glasi: „Na osnovu člana 8. Poslovnika Predstavničkog doma Parlamentarne skupštine BiH, podnosim poslaničku inicijativu kojom se zadužuje Vijeće ministara BiH da najkasnije u roku od šest mjeseci od dana usvajanja ove inicijative izradi i u parlamentarnu proceduru dostavi Prijedlog zakona o Vrhovnom sudu Bosne i Hercegovine“, broj: 01-50-1-1036/15, od 22. 7. 2015.**

Predsjedavajuća je dala uvodne napomene. Nije bilo rasprave.

Poslanička inicijativa Denisa Bećirovića nije usvojena u drugom krugu glasanja - „za“ je glasalo 12 poslanika, „protiv“ 17 (iz Federacije BiH četiri, iz Republike Srpske 13), a „suzdržana“ su bila četiri poslanika.

**Ad.11. Izvještaj komisije Kolegija Predstavničkog doma o nastojanju za postizanje saglasnosti o prijedlogu zaključka poslanika Sadika Ahmetovića koji glasi: „Zadužuje se Vijeće ministara BiH da dostavi informaciju o primjeni Okvirnog zakona o osnovnom i srednjem obrazovanju u BiH, s naglaskom na izučavanje nacionalne grupe predmeta i izučavanje maternjeg jezika na cijeloj teritoriji BiH“, broj: 01-50-1-1191/15, od 15. 9. 2015.**

Nakon uvodnih napomena predsjedavajuće, nije bilo rasprave.

Navedeni prijedlog zaključka poslanika Sadika Ahmetovića usvojen je u drugom krugu glasanja s 20 glasova „za“, sedam glasova „protiv“ (iz Republike Srpske) i šest „suzdržanih“ glasova.

**Ad.12. Informacija Bosne i Hercegovine za UN-ov Odbor za otklanjanje diskriminacije žena (UN CEDAW), materijal Agencije za ostvarivanje ravnopravnosti spolova, akt broj: 01/6-50-1-1111/15, od 9.9.2015.**

Nakon uvodnih napomena predsjedavajuće, u raspravi su učestvovali Maja Gasal-Vražalica i direktorica Agencije za ravnopravnost spolova Samra Filipović-Hadžiabdić.

Informacija Bosne i Hercegovine za UN-ov Odbor za otklanjanje diskriminacije žena (UN CEDAW) primljena je k znanju s 25 glasova „za“ (iz Federacije BiH 18, iz Republike Srpske sedam), bez glasova „protiv“ i osam „suzdržanih“ glasova.

**Ad.13. Prijedlog zaključka kojim se obavezuje Interresorna radna grupa za izmjenu izbornog zakonodavstva BiH da izradi Prijedlog zakona o izmjenama i dopunama Zakona o finansiranju političkih stranaka s ciljem realiziranja preporuka GRECO-a, predlagač: Zajednički kolegij oba doma Parlamentarne skupštine BiH**

Predsjedavajuća je dala uvodne napomene. Nije bilo rasprave.

Prijedlog zaključka kojim se obavezuje Interresorna radna grupa za izmjenu izbornog zakonodavstva BiH da izradi Prijedlog zakona o izmjenama i dopunama Zakona o finansiranju političkih stranaka s ciljem realiziranja preporuka GRECO-a usvojen je s 28 glasova „za“ (iz Federacije BiH 15, iz Republike Srpske 13), bez glasova „protiv“ i pet „suzdržanih“ glasova.

**Ad.14. Prijedlog zaključka o imenovanju predstavnika Parlamentarne skupštine BiH u Radnu grupu za praćenje stanja i aktivnosti u vezi s mogućom izgradnjom odlagališta nuklearnog otpada na lokaciji Trgovska gora, općina Dvor, predlagač: Zajednički kolegij oba doma Parlamentarne skupštine BiH, broj: 01,02-34-1-1105/15, od 22.9.2015.**

Predsjedavajuća je dala uvodne napomene. U raspravi su učestvovali: Jasmin Emrić, Damir Arnaut i Nikola Špirić.

Prijedlog zaključka o imenovanju predstavnika Parlamentarne skupštine BiH u Radnu grupu za praćenje stanja i aktivnosti u vezi s mogućom izgradnjom odlagališta nuklearnog otpada na lokaciji Trgovska gora, općina Dvor, usvojen je s 32 glasa „za“ (iz Federacije BiH 18, iz Republike Srpske 14), bez glasova „protiv“ i jednim „suzdržanim“ glasom. U Radnu grupu, iz Predstavničkog doma, imenovani su poslanici: Diana Zelenika, Borislav Bojić i Jasmin Emrić

Poslanik Jasmin Emrić u raspravi je predložio sljedeći zaključak: *„Zadužuje se Vijeće ministara BiH da izradi primjedbe na Prijedlog nacionalnog programa za provođenje Strategije zbrinjavanja radioaktivnog otpada, iskorištenih izvora i istrošenog nuklearnog goriva Republike Hrvatske, kojim će se na osnovu stručnih analiza i utvrđenih činjenica osporiti mogućnost izgradnje odlagališta radioaktivnog otpada na području Trgovske gore, mikrolokacija Čerkezovac, u Republici Hrvatskoj, te da će ih dostaviti Državnom zavodu za radiološku i nuklearnu sigurnost Republike Hrvatske do 24.10.2015.“*

Zaključak je usvojen s 32 glasa „za“ (iz Federacije BiH 19, iz Republike Srpske 13), bez glasova „protiv“ i jednim „suzdržanim“ glasom.



**Ad.15. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru, predlaže: Zajednički kolegij oba doma Parlamentarne skupštine BiH, broj: 01,02-34-1-1229/15, od 22.9.2015.**

Nakon uvodnih napomena predsjedavajuće, nije bilo rasprave.

Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru usvojen je s 19 glasova „za“ (iz Federacije BiH 12, iz Republike Srpske sedam), dva „protiv“ i 12 „suzdržanih“ glasova. Za članove Privremene zajedničke komisije, iz Predstavničkog doma, imenovani su poslanici: Salko Sokolović, Borislav Bojić i Predrag Kožul.

**Ad.16. Imenovanje dva člana Ureda za razmatranje žalbi i članova filijala u Banjoj Luci i Mostaru, materijal Privremene zajedničke komisije oba doma Parlamentarne skupštine BiH za provođenje procedure za imenovanje dva člana Ureda za razmatranje žalbi i članova filijala u Banjoj Luci i Mostaru, broj: 01,02-50-14-470,8/15, od 29.9.2015.**

Nakon uvodnih napomena predsjedavajuće, nije bilo rasprave.

Predstavnički dom je, s 22 glasa „za“ (iz Federacije BiH 13, iz Republike Srpske devet), tri „protiv“ i osam „suzdržanih“ glasova, imenovao dva člana Ureda za razmatranje žalbi i članova filijala u Banjoj Luci i Mostaru, materijal Privremene zajedničke komisije oba doma Parlamentarne skupštine BiH za provođenje procedure za imenovanje dva člana Ureda za razmatranje žalbi i članova filijala u Banjoj Luci i Mostaru.

Na poziciju člana Ureda za razmatranje žalbi u Sarajevu, kao stručnjak upravnog prava i/ili upravnog postupka iz reda naroda u BiH iz Republike Srpske, imenovana je Jelena Gotovac.

Na poziciju člana Ureda za razmatranje žalbi u Sarajevu, kao stručnjak u oblasti izvođenja radova, javnih nabavki, transporta i strateškog upravljanja, imenovana je Dragana Šobot (iz Republike Srpske).

Na pozicije članova Ureda za razmatranje žalbi u Filijali Mostar, kao stručnjaci upravnog prava i/ili upravnog postupka, imenovani su: Slaviša Bjelogrić, Samir Buljina i Mirjana Antunović.

Na pozicije članova Ureda za razmatranje žalbi u Filijali Banja Luka, kao stručnjaci upravnog prava i/ili upravnog postupka, imenovani su: Radomir Pašić, Arif Nanić i Marko Kolobarić.

Na pozicije članova Ureda za razmatranje žalbi u Filijali Mostar, kao stručnjaci u oblasti izvođenja radova, javnih nabavki, transporta i strateškog upravljanja, imenovani su Tomislav Čužić i Alma Salkić-Mijić.

Na pozicije članova Ureda za razmatranje žalbi u Filijali Banja Luka, kao stručnjaci u oblasti izvođenja radova, javnih nabavki, transporta i strateškog upravljanja, imenovani su Ismet Bećiragić i Dragan Ilić.

#### **Ad.17. – 25.**

Prije prelaska na tačku 17., predsjedavajuća je dala na glasanje prijedlog za objedinjavanje rasprave o tačkama 17. - 25., s obzirom na to da je riječ o davanju saglasnosti za ratifikaciju materijala. Prijedlog je prihvaćen s 31 glasom „za“ (iz Federacije BiH 19, iz Republike Srpske 12), bez glasova „protiv“ i jednim „suzdržanim“ glasom.

Nije bilo rasprave.

Dom je jednoglasno, s 33 glasa „za“ (iz Federacije BiH 19, iz Republike Srpske 14), odlučio da objedini glasanje o tačkama od 17. do 25.

Saglasnost za ratifikaciju materijala iz tačaka 17. - 25. data je s 31 glasom „za“ (iz Federacije BiH 17, iz Republike Srpske 14), bez glasova „protiv“ i dva „suzdržana“ glasa. To su sljedeći materijali:

- Konvencija između Bosne i Hercegovine i Republike Poljske za izbjegavanje dvostrukog oporezivanja i sprečavanje utaje poreza na dohodak i kapital,
- Protokol o upravljanju nanosom uz Okvirni sporazum o slivu rijeke Save,
- Sporazum između Vijeća ministara Bosne i Hercegovine i Vlade Republike Moldavije o putovanju državljana bez viza,
- Ugovor između Vijeća ministara Bosne i Hercegovine i Vlade Republike Hrvatske o pravima i obavezama korištenja voda iz javnih sistema za vodosnabdijevanje presječenih državnom granicom,
- Sporazum o grantu Globalnog fonda za okoliš (GEF) za pripremu regionalnog projekta upravljanja slivom rijeke Drine između Bosne i Hercegovine i Međunarodne banke za obnovu i razvoj u funkciji agencije za implementaciju Globalnog fonda za okoliš,
- Sporazum o grantu Specijalnog fonda za klimatske promjene (SCCF) za pripremu regionalnog projekta upravljanja slivom rijeke Drine između Bosne i Hercegovine i Međunarodne banke za obnovu i razvoj u funkciji agencije za implementaciju Specijalnog fonda za klimatske promjene,
- Sporazum između Vijeća ministara Bosne i Hercegovine i Vlade Ruske Federacije o readmisiji i Provedbeni protokol o procedurama provođenja Sporazuma između Vijeća ministara Bosne i Hercegovine i Vlade Ruske Federacije o readmisiji,
- Sporazum između Evropske unije i Bosne i Hercegovine o učešću Bosne i Hercegovine u Programu Unije *Carina 2020*,
- Bilateralni ugovor između Bosne i Hercegovine i Republike Italije uz Evropsku konvenciju o izručenju od 13.12.1957., s ciljem proširenja i olakšanja njene primjene.

Sjednica je završena u 15,40 sati.

Sastavni dio Zapisnika je transkript 18. sjednice Predstavničkog doma.

**SEKRETAR  
PREDSTAVNIČKOG DOMA  
Marin Vukoja**

**PREDSJEDAVAJUĆA  
PREDSTAVNIČKOG DOMA  
Borjana Krišto**